




宋鑑  
四

仁宗

共二十







資治通鑑節要續編卷之四

資治通鑑節要續編卷之四

宋紀

附

遼紀

金紀

元紀

明紀

清紀

仁宗皇帝也。名禎。真宗子。母李氏生。

在位四十二年 壽五十四

初。母后臨朝。政非已出。寶元。康定。間。西鄙多事。慶曆已後。君子滿朝。恭儉仁恕。始終如一。然仁柔有餘。而剛武不足。是以常有夷狄之禍。不能如漢唐之盛也。

行崇天曆

癸亥 天聖元年 契丹太平三年 春三月 行崇天

曆 司天張奎 罷權 茶 行貼射法 其法以十

資治通鑑

馮拯罷  
欽若相

三場茶買賣本息併計其數。罷官給本錢。使商人與園戶自相交易。一切定為中估。而官收其息。然必輦茶入官。隨商人所指而與之。給券為驗。以防私售。故有貼射之名。○秋九月。馮拯罷。以王欽若平

章事。○閏九月。雷州司戶寇準卒。初。太宗得通天犀。命工為二帶。一以賜準。及是。準遣人取自洛。既至數日。沐浴具朝服。束帶。北面再拜。呼左右趣設卧具。就榻而沒。歸葬西京。道出荆南。公安縣人皆設祭於路。折竹植地。掛紙錢焚之。踰

寇公竹

月。枯竹盡生笋。衆因為立廟。號竹林寇

公祠

後追贈中書令。復萊國公。謚忠愍。

**李氏燾曰**寇忠愍之入相。凡三。忘身

徇國。守道嫉邪。見於同列之稱薦者。然也。官居鼎鼐。宅無樓臺。播於處士之歌詠者。然也。堂吏之進例薄。則叱之。門生之獻三策。則謝之。甚至澶淵之役。不沮不屈。親扶日轂。屹然如山。百萬貔貅。折箠笞之。使三十餘年。邊

無牧馬公之勲烈何如哉此所以感雷陽之竹也

禁巫邪

冬十一月禁巫邪。先是江西俗尚鬼。多為巫覡以惑民。病者不服藥而聽命於神。時夏竦知洪州。索部中得一千九百餘家。勒令還農。毀其淫祠。以事聞。故詔禁之。

帝謁孔子

**甲子**二年契丹太平四年春二月**契丹**改鴨子

河為混同江。○秋八月帝臨國子監謁

孔子○冬十一月立郭氏為皇后后平廬節

度使崇之孫女也。時張美人有寵。帝欲立之。太后不可而止。故后雖立而頗見疎。

**乙丑**三年契丹太○冬十月以晏殊為

樞密副使○十一月復權茶罷貼射法

○王欽若卒。帝謂輔臣曰。欽若久在政

時稱五鬼

府。觀其所為。真姦邪也。王曾對曰。欽若

與丁謂。林特。陳彭年。劉承珪。同惡。時稱

五鬼。姦邪。儉偽。誠如聖諭。○十二月以

張知白平章事。張耆為樞密使。耆即張

旻也。太后微時嘗寓旻家。旻事之甚謹。后深德之。

**丙寅**四年契丹太春三月。**契丹**阻卜叛

京師大水

西北常為党項阻卜諸部侵擾。至是益甚。○夏六月。京師大

水。時大雨震雷。平地水數尺。壞京城民舍。溺死者數百人。時宰執方晨朝。未入。有旨放朝。王曾附中使奏曰。天變甚異。乃臣等燮理無狀。豈可退安私室。亟請入見。陳所以備禦之道。同列先歸者。咸

愧服焉。○秋九月。以周後。柴元亨。為三

班奉職。

元亨。世宗從孫。

**丁卯**

五年

契丹太

春正月壬寅朔。帝率

群臣上皇太后壽于會慶殿。遂御大安

殿受朝。○晏殊免。先是殊言張耆無勳

勞。天下有私徇非才之議。太后不悅。至

是從幸玉清昭應宮。從者持笏後至。殊

怒。以笏撞之。折齒。為御史所論。出之宣

州。尋改應天。自五代以來。天下學校廢

晏殊興  
學薦仲  
淹

道輔使  
契丹

壞。殊始興建為諸州倡。且延范仲淹以  
教生徒。仲淹敦尚風節。每論朝廷利害。  
感激思奮。殊深器之。薦為秘閣校理。○  
以夏竦為樞密副使。○龍圖閣學士孫  
奭侍講。久。每至前世亂君亡國。必反覆  
規諷。因畫書無逸為圖。以進。帝命施于  
講讀閣下。○十二月。龍圖閣待制孔道  
輔使契丹。有優人以文宣王為戲。道輔艱  
然徑出。契丹主客者邀道輔還坐。且令

謝道輔正色曰。中國與北朝通好。以禮文相接。今俳優之徒。侮慢先聖而不之禁。北朝之過也。道輔何謝。契丹君臣默然。又酌大卮。謂曰。方天寒。飲此可以致和氣。道輔曰。不和固無害。道輔還言者。以為生事。且開爭端。帝問之。道輔曰。每漢使至彼。輒為侮慢。若不校。恐益易中國。

帝然之。

道輔。孔子四十五代孫也。

卒 張知白

戊辰

六年

契丹太平八年

春

二月。平章張知白

卒。知白為相。慎名器。每以盛滿為戒。雖

貴顯。清約如寒士。○三月。丙申朔。日有

食之。○以張士遜平章事。姜遵。范雍為

樞密副使。○夏五月。楚王元佐卒。○趙

德明使其子元昊襲甘州。取之。元昊。小字。鬼理。

性雄毅。多大略。善繪畫。能創製物始。圓面高準。曉浮圖學。通番漢文字。德明雖

臣事中國。及契丹。然於本國則稱帝。由是立元昊為皇太子焉。

曹利用  
罷

已巳

七年

契丹太平九年

春

正月。曹利用罷。時

中人與貴戚為禍。福而利用以勲舊自

宗道諫  
立七廟

處不恤。凡內降恩。力持不與。左右怨之。太后亦嚴憚。稱曰侍中而不名。會利用從子汭為兵馬監押於趙州。被酒衣黃衣。令人呼萬歲。事聞。汭杖死。內侍請併罪利用。張士遜曰。利用大臣。不知也。后大怒。王曾力解。乃罷為衛將軍。○二月。參知政事魯宗道卒。時有上言請立劉氏七廟者。太后以問輔臣。衆不敢對。宗道獨進曰。若立劉氏七廟。如嗣君何。乃

賑契丹  
饑流民

止。后嘗與帝同幸慈孝寺。欲乘輦先帝而行。宗道曰。夫死從子。婦人之道也。后遽命輦。後來與宗道輔政七年。剛正嫉惡。遇事敢言。貴戚用事者皆憚之。目為魚頭參政。因其姓且言骨鯁也。○張士遜罷。○以呂夷簡平章事。夏竦參知政事。陳堯佐為樞密副使。○以薛奎參知政事。○安置衛將軍曹利用于房州。行至襄陽。自殺。按死非其罪。聞者寃之。

**契丹** 歲大饑

流民過界河。帝曰。皆吾赤子也。可大賑救之。乃詔轉運司分送唐鄧襄汝州處以間田。所過州縣給食。○夏四月。南平王李公蘊卒。以其子德政為交阯郡王。○六月。大雨震雷。玉清昭應宮災。詔繫守衛者于御史獄。太后泣對大臣曰。先帝尊天奉道。故竭力成此宮。今一夕延燎幾盡。惟長生崇壽二小殿存。何以稱遺旨哉。范雍抗言曰。不若悉燔之也。先

玉清昭  
應宮災

朝以此竭天下之力。遽為灰燼。非出人意。如因其所存。又將葺之。則民不堪命。非所以祇天戒也。王曾、呂夷簡亦助雍言。中丞王曙亦言玉清昭應宮之建。非應經義。災變來警。願除其地。罷諸禱祠。以應天變。右司諫范諷復言此實天變。不當置獄。太后與帝感悟。遂減守衛者罪。下詔不復脩治。以二殿為萬壽觀。○王曾罷。初太后受冊。將御大安殿。曾執

王曾罷相

不可。太后左右姻家稍通請謁。多裁抑之。太后滋不能堪。會昭應宮災。曾以首相罷。○秋七月。罷諸宮觀使。○八月。丁亥朔。日有食之。○以陳堯佐、王曙參知政事。夏竦為樞密副使。○冬十一月。癸亥。日南至。也。冬至帝率百官朝皇太后于會寧殿。遂同御大安殿。以受朝。初。帝之將朝。會寧也。秘閣校理范仲淹上疏切諫曰。奉親于內。自有家人禮。顧與百官

仲淹請  
太后還  
政

同列北面而朝之。可乎。非所以垂法後  
世也。帝不納。既又上疏請太后還政。亦  
不報。遂乞補外。出為河中府通判。

**庚午**八年

契丹太平十年

夏五月

賜信州龍虎

山道士張乾曜號澄素先生

後漢張道陵之後也

○九月姜遵卒

○以趙稹為樞密副使

稹厚結劉美家婢以干進用○初置武

舉

**辛未**九年

契丹太平十一年六月

夏六

興宗真景福元年

月契丹主隆緒卒。太子宗真立。其母蕭

耨斤自為太后治國事。初契丹主親政

後方一月。太后暴崩。契丹主哀毀骨立。

哭必嘔血。群臣上言山陵已畢。宜改元。

契丹主曰。改元吉禮也。居喪行吉禮。乃

不孝子也。群臣曰。古之帝王以日易月。

宜法古制。契丹主曰。吾契丹帝也。寧違

古制。不為不孝之人。終制三年。

臨終屬子宗真

契丹行三年喪

曰。皇后事我四十年。以其無子。故命汝為嗣。我死。汝子母切。毋殺之。又屬東平

王蕭孝穆。上京留守蕭孝先。始以輔立之事而委之。次以不得失宋朝之信誓而屬之。

**史臣論曰**遼聖宗理寃滯。舉才行。察

貪殘。抑奢僭。錄勲勞。賑貧乏。責迎合不忠之罪。却高麗女樂之歸。弭兵以息民。設科以取士。政令平壹。國以富強。契丹之賢主也。

**契丹**太后釋斤。遷其主母齊天后蕭氏

于臨潢。○秋七月。王隨等如**契丹**。王隨致祭。

王黼梅詢弔慰。范諷賀即。○冬十月。罷

翰林學士宋綬。時太后專政。綬以為言。

故罷之。○十二月。契丹封李德昭子昊

為夏國公。以女歸之。

**壬申**明道元年契丹重熙元年春正月**契丹**主

帥群臣朝其母契丹太后專決國事。契丹主不得預聞。至是御

正殿受契丹主及群臣朝○二月。以張士遜平章事

卒 李宸妃

○尊真宗婉儀李氏為宸妃。是日卒。婉儀。杭州人。實生帝。太后既取帝為己子。

呂夷簡  
舉宸妃  
喪

與楊太妃保護甚至。帝亦盡孝道於太  
后。太妃而婉儀默然處先朝嬪御中。未  
嘗自異。人畏太后。無敢言者。帝雖長上聲  
不自知為婉儀所出也。至是疾革。乃自  
順容進位宸妃。是日薨。太后欲以宮人  
禮治喪于外。呂夷簡時為首相。奏禮宜  
從厚。太后遽引帝起。有頃。后復獨立簾  
下。曰。一宮人死。相公云云何也。夷簡對  
曰。臣待罪宰相。事無內外。皆當預也。后

怒曰。相公欲離間吾母子耶。夷簡曰。太后他日不欲全劉氏乎。司天希旨言歲月未利。夷簡黜其說。請發袞成服。備宮仗葬之。時有詔欲鑿宮城垣以出喪。夷簡遽求對。太后揣知其意。遣內侍羅崇勳問何事。夷簡言鑿垣非禮。喪宜自西華門出。宸妃誕育聖躬而喪不成禮。異日必有受其罪者。莫謂夷簡今日不言也。當以后服殮。用水銀。崇勳懼。馳告太

后乃許之○三月契丹太后弒主母齊

天后蕭氏于臨潢太后慮契丹主懷齊

菟于雪林遣人馳至臨潢賜齊天后死

后就死使者許之有仁德○秋七月王曙罷○

八月以晏殊參知政事楊崇勳為樞密

副使○以吐蕃唃廝囉為寧遠大將軍

卒趙德明卒○冬十一月夏王趙德明卒以其子

元昊為定難節度使西平王初元昊數

諫其父母臣宋德明輒戒之曰吾用兵

元昊嗣

久疲矣吾族三十年衣錦綺此宋恩也  
元昊曰英雄之生當王霸耳何錦綺為  
既襲位明號令以兵法自號鬼名吾祖

○契丹冊李元昊為夏國王

癸酉二年契丹重熙二年春二月帝耕籍田大

皇太后  
劉氏崩

赦○三月皇太后劉氏崩后稱制十二  
年號令嚴明恩威加天下近習少所假  
借遺詔尊太妃楊氏為皇太后同議國  
事閣門趣百僚賀御史中丞蔡齊正色

謂臺吏毋追班。入白執政曰。上春秋長。習知天下情偽。豈可使女后相繼稱制乎。右司諫范仲淹上疏曰。太后母號也。自古無因保育而代立者。今一太后崩。又立一太后。天下且疑陛下不可一日無母后之助矣。侍御史龐籍請取垂簾儀制盡焚之。由是止尊太妃為皇太后。○帝始親政。罷創脩寺觀。裁抑僥倖。中外大悅。○夏四月。呂夷簡。張耆。夏竦。陳

帝始親政

夷簡因  
郭后罷  
相

堯佐范雍趙稹晏殊罷夷簡手疏陳八  
事曰正朝綱塞邪徑禁賄賂辨佞壬絕  
女謁踈近習罷力役節冗費其勸帝語  
甚切帝與呂夷簡謀以耆竦等附太后  
欲悉罷之夷簡以為然帝退以語后后  
曰夷簡獨不附太后耶但多機巧善應  
變耳由是夷簡亦罷制下夷簡方押班  
聞唱名大駭不知其故因令素所厚內  
侍閻文應詞火若虛正二之乃知事由

續通志

十三

郭后也。於是深憾后。思有以傾之矣。○  
以李迪平章事。王隨參知政事。李諮為  
樞密副使。王德用簽書樞密院事。○追  
尊生母宸妃李氏為皇太后。荆王元儼  
為帝。言陛下乃李宸妃所生。妃死以非  
命。帝始知為宸妃子。因號慟累日。下詔  
自責。追尊謚曰莊懿。幸洪福寺祭告。易  
梓宮。親啓視之。妃以水銀故。玉色如生。  
冠服如皇后。帝歎曰。人言其可信哉。待

追尊生  
母宸妃

劉氏加厚。陪葬永定陵。○契丹使耶律

壽寧等來祭奠弔慰。○六月甲午朔日

有食之。○秋七月旱蝗。詔求直言。○八

月以宋綬為端明殿學士。官在翰林侍

講學士之上。以待學士之次者。○冬十月葬莊獻明肅皇后

劉氏。舊制。后皆二謚。稱張士遜。楊崇勳

免。士遜無所建明。與崇勳宴飲。期上莊

懿。太后冊不至。中丞范諷劾之。坐免。○

以呂夷簡平章事。宋綬參知政事。王曙

相夷簡復

為樞密使。王德用蔡齊為副使。○十一月。贈寇準中書令。○詔自今宰相不得進擬臺官。帝曰。宰相自用臺官。則宰相過失無敢言者矣。○十二月。薛奎罷。奎謀議正直。或志不伸。歸輒嘆咤不食。家人笑曰。何必如是。奎曰。吾仰慙古人。俯愧後世爾。○廢皇后郭氏為淨妃。玉京冲妙仙師。居長寧宮。黜御史中丞孔道輔等十人于遠州。時尚美人。楊美人俱

廢郭后

得幸。數與皇后忿爭。一日尚氏於上前有侵后語。后不勝忿。批其頰。帝自起救之。誤批上頸。上大怒。內侍閻文應因與帝謀廢后。且勸帝以爪痕示執政。帝以示呂夷簡。且告之故。夷簡有憾于后。遂主廢黜之議。帝猶疑之。夷簡曰。先武漢之明主也。郭后止以怨懟坐廢。况傷陛下頸乎。帝意遂決。將廢后。夷簡敕有司毋得受臺諫章奏。於是中丞孔道輔率諫

閣諫官伏

官孫祖德。范仲淹。宋庠。劉渙。御史蔣堂。郭勸。楊偕。馬絳。段少連。十人。詣垂拱殿。伏奏。皇后。天下之母。不當輕議黜廢。願賜對。盡所言。帝使內侍諭道輔等。至中書。令呂夷簡以皇后當廢狀告之。道輔語夷簡曰。大臣之於帝后。猶子事父母也。父母不和。可以諫止。柰何順父出母乎。夷簡曰。廢后有漢唐故事。道輔及仲淹曰。光武失德。何足法也。自餘廢后皆

道輔仲淹遠貶

前世昏君所為。人臣當道君以堯舜。豈得引漢唐失德為法耶。夷簡不荅。即奏言伏閣請對。非太平美事。詔黜道輔等。皆知遠州。明日道輔等趨朝。欲留百官。折宰相廷爭。至待漏院聞詔。乃退。道輔鯁挺特達。遇事彈劾無所避。天下皆以直道許之。至是名益重。

**甲戌**

景祐元年

契丹重熙三年

春正月。以賈昌

朝等為崇政殿說書。○夏五月。**契丹**太

后蕭氏有罪。遷于慶州。契丹主始親政。

立重元為太弟。契丹太后稱斤。陰召諸弟議。欲立少子重元。重

元以其謀白于契丹主。遂收太后符璽。而遷之於慶州。七括宮。始親決國事。立

重元為皇太弟也。○秋八月。王曙卒。以王曾為

樞密使。○詔淨妃郭氏出居瑤華宮。廢

美人尚氏為道士。居洞真宮。安置美人

楊氏于別宅。尋賜淨妃號金陵教主。冲

靜元師。帝頗念之。遣使存問。賜以樂府。

后和答之。辭甚悽惋。帝益悔恨焉。○九

月立曹氏為皇后彬之孫○趙元昊反

寇環慶州改元廣運

**乙亥**二年契丹重熙四年春正月作邈英及延

義二閣寫尚書無逸篇于屏○二月育

育王子於宮中

汝南郡王允讓子宗實于宮中允讓大

父商王元份也。帝未有嗣。取宗實入宮。命皇后拊鞠之。生四年矣。李迪

罷○以王曾平章事蔡齊盛度參知政

事王隨李諮知樞密院事王德用韓億

同知院事○趙元昊寇慶州○冬十一

郭后崩

月廢后郭氏薨。竄內侍閻文應于嶺南。時后居瑤華。帝嘗密遣人召之。后辭曰。若再見召者。須百官立班受冊方可。乃止。屬小疾。帝遣閻文應挾鑿診視數日。言后暴崩。中外疑文應進毒而不得其實。帝深悼之。追復后號。以禮歛葬。而停謚。冊祔廟之禮。知開封府范仲淹劾奏。文應之罪。竄之。○詔孔宗愿襲封文宣

公

宗愿。聖佑弟也。

鍾律胡瑗定

**丙子三年**熙五年春二月詔胡瑗阮逸

較定鍾律先是李照進新雅樂遂詔天

聞於是知杭州鄭向薦鎮東推官阮逸

知蘇州范仲淹薦布衣胡瑗矣至是瑗

逸極言李照樂穿鑿於是夏五月貶權

知開封府范仲淹及集賢校理余靖館

閣校勘尹洙歐陽脩于外初仲淹以呂

夷簡執政進用者多出其門上百官圖

指其次第曰如此為序遷如此為不次

如此則公如此則私况進退近臣凡超

綱鑑易知錄卷四

十六

格者不宜全委之宰相。夷簡不悅。他日論建都之事。仲淹曰。洛陽險固而汴為四戰之地。太平宜居汴。即有事必居洛陽。當漸廣儲蓄。繕宮室。帝以問夷簡。夷簡對曰。仲淹迂闊。務名無實。仲淹聞之。乃為四論以獻。一曰。帝王好尚。二曰。選賢任能。三曰。近名。四曰。推委。大抵譏切時弊。夷簡訴曰。仲淹越職言事。離間陛下君臣。所引用皆朋黨也。仲淹對益切。

貶仲淹

貶余靖

貶尹洙  
歐陽脩

由是落職知饒州。余靖言陛下自親政以來。屢逐言事者。恐鉗天下口。於是落職。監筠州酒稅。尹洙言仲淹忠亮有素。臣與之義兼師友。則是仲淹之黨。臣不可苟免。夷簡怒。斥監虔州酒稅。歐陽脩貽書責司諫高若訥不能救。謂其不復知人間有羞耻事。若訥怒。上其書。脩坐貶夷陵令。館閣校勘蔡襄作四賢一不肖詩。以美仲淹。靖洙脩而譏若訥。人士

新編通志卷四

十一

傳寫。粥書者市之得厚利。契丹使適至。

買以歸。張於幽州館。殿中侍御史韓瀆

希夷簡旨請書仲淹朋黨。揭之朝堂。以

戒百官。越職言事者。從之。○十一月。皇

太后楊氏崩。謚曰莊惠。祔。李諮卒。○以

王德用知樞密院事。章得象同知院事。

○折惟忠卒。以其子繼宣權知府州事。

○契丹中書令張儉致仕。居位二十年。清約謙慎。

曾與夷簡罷相

丁丑四年契丹重熙六年夏四月。呂夷簡。王曾

宋綬蔡齊罷。初夷簡事曾甚謹。曾亦力薦其才。及曾復入中書位。反居下。夷簡任事久。多專決。議論間有異同。曾遂力求罷。夷簡亦乞罷。時曾與蔡齊善。而夷簡善宋綬。帝問之。而曾薦齊。夷簡薦綬。於是四人俱罷。曾性資端厚。在朝廷進止皆有常處。平居寡言笑。人不敢干以私。進退士人。莫有知者。范仲淹嘗問曾曰。明揚士類。宰相任也。公之盛德。獨少

不欲恩  
歸已

趙元昊  
反

此耳。曾曰：夫執政而欲使恩歸已，怨將誰歸耶？仲淹服其言。帝之初即位也，少而太后將有專制之患。曾正色危言，以立于朝。由是宦官近習不敢窺覷，而帝德日就。太后亦全令名。曾可謂社稷之臣矣。○以王隨、陳堯佐、平章事、韓億、程琳、石中立、參知政事、盛度知樞密院事、王黼同知院事。○趙元昊侵吐蕃，遂取瓜沙肅州。遂悉有夏、銀、綏、宥、靜、靈、鹽、會。

三州地震

勝甘涼瓜沙肅。而洪定威龍。皆即堡鎮。號為州。仍居興州。阻河依賀蘭山為固。地方萬里。地饒五穀。宜稻麥。始大建官。置十二監軍司。委豪右分統其衆。改元大慶。○冬十二月。并代忻三州地震。吏民壓死者二萬二千三百人。傷者五千六百人。畜擾死者五萬餘。

戊寅寶元元年

契丹重熙七年。夏景宗元昊天授禮法延祚。

元春。三月。王隨。陳堯佐。韓億。石中立。免。

韓琦切

元昊稱帝

隨為相無所建明會忻代地震右司諫

韓琦言隨堯佐中立非輔弼才億子綜

為群牧判官不當自請以兄綱為代皆

免琦遇事敢言切而不迂在諫垣前後

凡七十餘疏○以張士遜章得象平章

事王駿李若谷參知政事陳執中同知

樞密院事○以張觀同知樞密院事○

趙元昊稱帝國號夏先是元昊遣使詣

東道路既還遂與諸酋歃血約先攻廊  
延欲自靖德塞門皆赤城路三道並入

綱鑑卷四

二十一

遣使奉表。略曰。臣祖宗本出帝胄。當東  
晉之末。運創。后魏之初。邦遠祖思恭。當  
唐季。率兵拯難。受封賜姓。祖繼遷。心知  
兵要。手握乾符。大舉義旗。悉降諸部。父  
德明。嗣奉世業。勉從朝命。臣偶以狂斐  
制小蕃文字。改大漢衣冠。衣冠既就。文  
字既行。禮樂既張。器用既備。吐蕃塔塔  
張掖。交河。莫不從服。稱王。則不喜。朝帝  
則是從。遂以十月十一日郊壇。備禮為  
世祖始。文本武興。法建禮仁孝。皇帝國  
稱大夏。伏望許以西郊之地。冊為  
南面之君。敢竭庸愚。常敦懽好。○十

二月。以夏竦為涇原秦鳳路安撫使。知  
永興軍。范雍為鄜延環慶路安撫使。知

延州。○左僕射王曾卒。

已卯二年契丹重熙八年夏四月募河東陝西

民入粟實邊○五月王德用罷○六月

削奪趙元昊官

詔削趙元昊官爵屬籍○以夏守贊知

夏竦獻十策

樞密院事○秋七月以夏竦知涇州兼

涇原秦鳳經略安撫使先是竦上十策

一教習強弩以為奇兵二羈縻屬羌以

為藩籬三詔喃廝囉父子并力破賊四

度地形險易遠近增減屯兵五詔諸路

互相應援六募土人為兵以代東兵七

增置弓手壯丁獵戶。以備城守。八並邊  
小砦。毋積芻糧。賊攻急則入保大砦。九  
關中民坐罪。若過誤者。許入粟贖罪。十  
損並邊冗兵冗官。及減騎軍以紓饋運。  
朝廷多采用之。時邊臣多議征討。反以  
竦為怯。○**契丹**太后居慶州五年。契丹  
主悔之。乃親迎還。事之益謹。而斤常不  
懌。○冬十月。盛度程琳免。貶孔道輔知  
鄆州。初。張士遜素惡琳。而疾道輔不附

道輔貶  
卒

已將并逐二人。即謂道輔曰。上顧程公厚。今為小人所誣。盍見上辯之。道輔不悟。入對言琳罪薄。不足深治也。帝怒。道輔始知為士遜所賣。至鄂州。發憤而卒。

○以王駿知樞密院事。宋庠參知政事。

初。天聖中。駿使契丹。過真定。曹瑋為總管。謂曰。君異日當柄用。願留意邊防。駿曰。何以教之。瑋曰。吾嘗使人覘元昊狀貌。異常。他日必為邊患。駿未以其言為然。及在樞府。帝數訪以邊事。折繼宣有駿不能對。始歎瑋之明識。

罪。貶為楚州都監。以其弟繼閔權領府。

州事○种世衡帥師城青澗

**庚辰**

康定元年

契丹重熙九年

春正月朔日有

食之除越職言事之禁○元昊寇延州

執副總管劉平石元孫以歸二月貶范

雍知安州先是元昊詐乞和范雍信之

不為備元昊攻保安軍取金明砦李士

彬父子俱被執遂乘勝抵延州城下雍

先以檄召鄜延環慶副都總管劉平石

元孫合軍趨土門及是雍復召平元孫

范雍失律

還軍救延州。至三川口，遇賊。平與元孫皆被執。賊圍延州，會大雪，解去。○詔陝西轉運使明鎬募強壯備邊。○以韓琦為陝西安撫使。○王鬷、陳執中、張觀免。時邊事大急，而鬷音搜等無所建明而罷。○以晏殊、宋綬知樞密院事。王貽永同知院事。○五月，張士遜致仕。時西事方劇，諫官韓琦論士遜既不能有建明，政府又非養病之地。士遜不自安，上章請

士遜罷相

相夷簡復

老。至是以太傅鄧國公致仕。宰相得謝。  
自士遜始。○以呂夷簡平章事。○以夏  
竦為陝西招討使。韓琦。范仲淹。為副使。  
○秋。七月。郭禎如**契丹**告將伐夏。○八  
月。以杜衍同知樞密院事。○以范仲淹  
兼知延州。先是詔分邊兵總管領萬人。  
鈐轄領五千人。都監領三千人。寇至禦  
之。則官卑者先出。仲淹曰。將不擇人以  
官為序。取敗之道也。由是大閱州兵。得

腹中數  
萬甲兵

萬八千人分六將領之。將三千人。日夜  
 訓練。量賊衆寡。使更出禦賊。敵人聞之。  
 相戒曰。無以延州為意。今小范老子。腹  
 中自有數萬甲兵。不比大范老子可欺  
 也。大范指范雍也。仲淹大興營田。聽民互市。以  
 通有無。又脩承平永平等砦。稍招還流  
 亡。定堡砦。通斥堠。城十二砦。於是羌漢  
 相踵歸業。○元昊寇三川等砦。都巡檢  
 楊保吉死之。遂陷乾溝。乾河趙福堡。

**辛巳** 慶曆元年契丹重熙十年 春正月。加唃廝

囉河西節度使。○詔鄜延涇原會師討

元昊。未行而罷。先是帝以元昊勢益猖

獗。遣使陝西問攻守之策。夏竦遣韓琦

奏之。帝取攻策。琦言賊雖傾國入寇。衆

不過四五萬。吾逐路重兵自守。勢分力

弱。遇敵輒不支。若併出一道。鼓行而前。

破之必矣。杜衍曰。徼倖而成功。非萬全

計也。帝不聽。詔期正月會師。同進。范仲

韓琦議  
攻策

淹言正月塞外大寒。我師暴露。不如俟春深入。則賊馬瘦人饑。勢易制也。且鄜延密邇靈夏。西羌必遊之地。第按兵不動。以觀其釁。許臣稍以恩信招徠之。不然。情意阻絕。臣恐偃兵無期矣。帝從二議。尋詔嚴邊備。毋輒入賊境。○元昊遣人議和于延州。范仲淹以書諭之。令其去。帝號以盡臣節。報累朝厚待之恩。韓琦聞之曰。無約而請和者。謀也。命諸將

任福敗績

戒嚴而自行邊。○二月元昊寇渭州。任福敗績于好水川。貶韓琦知秦州。琦行邊至高平。元昊果遣衆寇渭州。薄懷遠城。琦乃趨鎮戎軍。盡出其兵。又募勇士萬八千人。命環慶副總管任福將之。以耿傳叅軍事。涇原都監桑懌為先鋒。朱觀武英王珪各以所部從福節制。將行。琦令福併兵自懷遠趨德勝砦。至羊牧隆城。出敵之後。諸砦相距纔四十里。道

任福違  
琦節制

近糧餉便。度勢未可戰。即據險置伏。要其歸路。戒之再三。且曰。苟違節制。有功亦斬。福引輕騎數千。趨懷遠。捺龍川。遇敵。戰于張家堡南。斬首數百。敵棄馬羊橐駝。佯北。福等頗易之。薄暮與懌合軍。屯好水川。約翌日會兵川口。必使夏人匹騎無還。然不知已陷其伏中矣。路既遠。芻餉不繼。士馬乏食者三日。時元昊自將精兵十萬。營于川口。候者言夏人

續鑑卷四

三十一

有砦。數不多兵。乃益進。福與懌循好水川。距羊牧隆城五里。與夏軍遇。遂結陣。諸將方知隋敵計。勢不可留。遂前格戰。於道傍得數銀泥合。封襲謹密。中有動躍聲。疑莫敢發。福至發之。乃懸哨家鷓百餘。自合中起。盤飛軍上。於是夏兵四合。懌馳犯其鋒。福陣未成列。賊縱鐵騎突之。自辰至午。陳動。衆傳山欲據勝地。俄而夏人陣中忽樹鮑老旗。長二丈許。

貶韓琦

懌等莫測。及旗左麾。左伏兵起。右麾。右伏兵起。士卒多墜崖。塹相壓。懌戰死。福力戰。身被十餘矢。或勸福自免。福曰。吾為大將。兵敗以死報國耳。揮四刃鐵簡。挺身決鬪。槍中左頰。絕其喉而死。莫。津。珪。傳。皆死。關右大震。時元昊傾國入寇。福臨敵受命。所統皆非素撫之兵。又分出趨利。是以甚敗。奏至。帝震悼。為之肝食。夏竦使人收散兵。得琦檄於福衣帶。

貶仲淹

間言罪不在琦。琦亦上章自劾。徙知秦州。○三月。貶范仲淹知耀州。元昊復遣人持書至。語多不遜。仲淹對其使焚之。朝議以仲淹不當輒通書。又不當輒焚之。宋庠請斬仲淹。杜衍曰。仲淹志在招納。蓋忠於朝廷也。何可深罪。帝悟。乃薄其責。○夏四月。以夏竦判永興軍。陳執中知永興軍。○五月。宋庠鄭戩罷。○以王舉正參知政事。任中師為樞密使。任

置四路  
招討使

布為樞副使。○秋七月元昊寇麟府州。折繼閔敗之。八月元昊陷豐州。○冬十月招討使夏竦免。知諫院張方平言豐州之陷將校俱被斥而竦為主帥獨不加罪非刑賞之公也。乃改判河中。○分陝西為四路。以陳執中知永興軍。兼永興軍路。經略安撫招討使。龐籍知延州。兼鄜延路。經略安撫招討使。韓琦知秦州。兼秦鳳路。經略安撫招討使。范仲淹

知慶州。兼環慶路。經略安撫。招討使。自元昊反。延州城砦。焚掠殆盡。龐籍至。稍葺治之。戍兵十萬。無壁壘。皆散處城中。畏籍莫敢犯法。籍命部將狄青。帥師築招安砦於橋子谷旁。以斷寇出入之路。復於要害築十一城。境內所亡地悉復之。延民以安。初元昊陰誘屬羌為助。而環慶酋長六百餘人。約為鄉導。事覺。仲淹以其反覆不常。至部即奏行邊。以詔

龍圖老子

城大順

書犒賞諸羌。閱其人馬。為立條約。諸羌  
 皆受命。自是始為中國用矣。羌人親愛  
 之。呼為龍圖老子。仲淹以慶州西北馬  
 鋪砦。當後橋川口。在賊腹中。欲城之。度  
 賊必爭。密遣其子純佑。與蕃將趙明先  
 據其地。引兵隨之。諸將不知所向。行至  
 柔遠。版築皆具。旬日城成。即大順城也。  
 賊覺。以三萬騎來戰。佯北。仲淹勿追。已  
 而果有伏。大順既成。而白豹金湯。皆不

敢犯環慶。自此寇盜益少。仲淹在邊純  
佑年方冠。與將卒錯處。鉤深擿隱。得其  
材否。由是仲淹任人無失。所向有功。○  
十一月。置涇原強壯弓箭手。○有事于  
南郊。大赦。自西方用師。帝為盱食。然元  
昊亦困弊。漸有自悔之意。知諫院張方  
平言曰。陛下猶天地父母也。豈與犬豕  
豺狼較乎。願因郊赦。引咎示信。開其自  
新之路。帝喜曰。是吾心也。命方平以疏

付中書呂夷簡讀之拱手曰公言及此

社稷之福也○十二月行崇天萬年曆

○詔天下立義倉

**壬午**二年契丹重熙十一年春正月復京師權

鹽法○二月初置義勇軍○三月**契丹**

契丹求關南地

使蕭特未来言關南之地契丹主年漸長國內無事

戶口蕃息慨然有南侵之意會元昊反中國盱食欲乘釁取宋舊割瓦橋關以

南十縣及晉陽之地乃集群臣議南院樞密使蕭惠曰兩國強弱聖慮所悉宋

人西征有年師老民疲陛下親帥六軍臨之其勝必矣南院樞密使蕭孝穆曰

富弼使契丹

我先朝與宋和好。無罪伐之。其曲在我。况勝負未可逆料。願熟察之。契丹主從

惠言。乃遣南院宣徽使蕭特末。翰林學士劉六符。使宋取故地。且問興師伐夏

及河東。沿邊疏濬水澤。增益兵戍之。故而令諸部會師幽州。命太弟重元及蕭

惠將之。以臨南境。聲言伐宋。夏四月。富弼如契丹。先

是蕭特末至。呂夷簡奏知制誥富弼為

接伴使。與中使迎勞之。特末託疾不拜。

弼曰。昔使北。病卧車中。聞命輒起。今中

使至。而子不拜。何也。特末等矍音然起

拜。弼開懷與語。特末感悅。亦不復隱其

情密以其主所欲得者告曰。可從從之。不然。以一事塞之足矣。弼具以聞。帝唯許增歲幣。仍以宗室女嫁其子。且令夷簡擇報聘者。夷簡素不悅弼。因薦之。集賢校理歐陽脩引顏真卿使李希烈事。上疏乞留之。不報。弼得命。即入對。叩頭曰。主憂臣辱。臣不敢愛其死。帝為動色。進弼樞密直學士。弼辭曰。國家有急。義不憚勞。何逆以官爵賂焉。遂往。○五月。

宰相兼  
樞密

以大名府為北京。時契丹聚兵幽薊。聲言南下。議者請城洛陽。呂夷簡曰。此子囊城郢計也。使契丹得渡河。雖高城深池何益。景德之役。非乘輿濟河。則未易服也。宜建都大名。示將親征。以伐其謀。帝從之。駐即真宗○秋七月。任布罷。○以呂夷簡。章得象。兼樞密使。知諫院。張方平。言朝廷政令之所出。在中書。若樞密院。則古無有也。蓋起於後唐權宜之制。

而事柄遂與中書均。分軍民為二體。別文武為兩途。政出多門。自古所患。乞特廢樞密院。或併本院職事於中書。從之。

○富弼還自契丹。先是六月弼至契丹。

見契丹主曰。兩朝人主父子繼好。垂四

十年。一旦求割地。何也。契丹主曰。南朝

違約塞鴈門。增塘水。治城隍。籍民兵。將以何為。群臣請舉兵而南。吾謂不若遣使求地。求而不獲。舉兵未晚。弼曰。北朝

弼折辯  
服契丹  
主

忘章聖皇帝之大德乎。澶淵之役。苟從  
諸將言。北兵無得脫者。且北朝與中國  
通好。則人主專其利。而臣下無所獲。若  
用兵。則利歸臣下。而人主任其禍。故勸  
用兵者。皆為身謀耳。**契丹**主驚曰。何謂  
也。弼曰。晉高祖欺天叛君。末帝昏亂。土  
宇狹小。上下離叛。故契丹全師獨克。然  
壯士健馬。物故太半。今中國提封萬里。  
精兵百萬。法令脩明。上下一心。北朝欲

用兵能保其必勝乎。就使其勝。所亡士  
馬。群臣當之歟。抑人主當之歟。若通好  
不絕。歲幣盡歸人主。群臣何利焉。**契丹**  
主大悟。首肯者久之。弼又曰。塞鴈門者  
備元昊也。塘水始於何承矩。事在通好  
前。城隍皆脩舊。民兵亦補闕。非違約也。  
**契丹**主曰。微卿言。吾不知其詳。雖然。吾  
祖宗故地。當見還耳。弼曰。晉以盧龍賂  
**契丹**。周世宗復取關南地。皆異代事。若

地弼却割

各求地。豈北朝之利哉。既退。劉六符曰。吾主耻受金幣。堅欲十縣。何如。弼曰。本朝皇帝言為祖宗守國。豈敢妄以土地與人。北朝所欲不過租賦爾。朕不忍多殺兩朝赤子。故屈已增幣以代之。若必欲得地。是志在敗盟。假此為辭耳。澶淵之盟。天地鬼神。其可欺乎。明日契丹主召弼同獵。引弼馬自近。謂曰。得地則歡好可久。弼反覆陳其不可狀。且言北朝

婚弼却求

契丹弼復使

既以得地為榮。南朝必以失地為辱。兄弟之國。豈可使一榮一辱哉。獵罷。六符曰。吾主聞公榮辱之言。意甚感悟。今惟有結姻可議耳。弼曰。婚姻易生嫌隙。本朝長公主出嫁。齎送不過十萬緡。豈若歲幣無窮之利哉。**契丹**主諭弼使還曰。俟卿再至。當擇一事受之。宜遂以誓書來也。至是弼還奏。○富弼復如**契丹**。帝復使持和親增幣二議及誓書往。且命

受口傳之詞于政府。既行。次樂壽。謂副使張茂實曰。吾為使者而不見國書。脫書詞與口傳異。吾事敗矣。啓視果不同。疾馳還都。以晡時入。見曰。執政固為此。欲致臣於死地。臣死不足惜。柰國事何。帝急召夷簡問之。夷簡曰。此誤爾。弼語侵夷簡。晏殊解之。弼怒曰。殊黨夷簡。以欺陛下。遂易書以行。○九月。富弼暨**契丹**耶律仁先來。時弼至**契丹**不復議昏。

弼却獻  
納一字

專欲增幣。且曰。南朝既增我歲幣。其辭

當曰獻。弼曰。南朝為兄。豈有兄獻於弟

乎。契丹主曰。然則為納字。弼曰。亦不可。

契丹主曰。南朝既以厚幣遺我。是懼我

矣。則於二字何有。若我擁兵而南。得無

悔乎。弼曰。本朝兼愛南北。故不憚更成。

何名為懼。或不得已而至於用兵。則當

以曲直為勝負。非使臣之所知也。契丹

主曰。卿勿固執。古有之矣。弼曰。自古唯

唐高祖借兵於突厥。當時贈遺。或稱獻納。其後頡利為太宗所擒。豈復有此禮哉。聲色俱厲。契丹主知不可奪。乃曰。吾當自遣人議之。乃留增幣誓書。而使其北院樞密副使耶律仁先耶律休哥之後漢人劉六符持誓書與弼偕來。且議獻納二字。弼至。入對。因曰。二字。臣以死拒之。彼氣折矣。可勿許也。帝用晏殊議。竟以納字與之。於是歲增銀絹各十萬。與前共

和議復定

續鑑卷四  
三十  
五十萬匹兩。歲送至白溝。和好復定。

**李氏燾曰**

前輩謂讀國史。至富鄭公奉使一事。未嘗不私切惓惓也。方契丹擁重兵壓境。使者之來。詞意悖慢。擇所報聘。無敢行者。獨鄭公毅然請往。入對便殿。忠激於心。義形於色。仁祖亦為之改容。乃單車入不測之虜庭。詰其君折其口。而服其心。無一語少屈。鄭公所以能為是者。人皆謂其

博洽多聞之功。余獨有取於入對便  
殿之數語。壯矣哉。主憂臣辱。臣不敢  
愛其死之言。凜凜乎與秋霜烈日爭  
嚴。推是心也。事求其必濟。功求其必  
成。雖鼎鑊在前。而有所不避。雖甘言  
重幣。而有所不能誘。嗚呼。雖古之良  
使。何以加諸。

○元昊寇鎮戎軍。葛懷敏會師禦之。次  
于定川。師潰。懷敏等敗死。元昊遂大掠

定川之  
敗

渭州而去。○冬十一月。復置陝西路安撫經略招討使。以韓琦。范仲淹。龐籍為之。置司涇州。罷諸路經略使。初。翰林學士王堯臣為陝西體量安撫使。上疏論兵。因言韓琦。范仲淹皆忠義智勇。不當置之散地。及葛懷敏敗死。中外震懼。帝思堯臣之言。故有是命。琦與仲淹在兵間久。名重一時。人心歸之。朝廷倚以為重。二人號令嚴明。愛撫士卒。諸羌來者。

天下稱  
韓范

推誠撫接。咸感恩威。不敢輒犯邊境。邊  
上謠曰。軍中有一韓。西賊聞之心膽寒。  
軍中有一范。西賊聞之驚喪膽。天下稱  
為韓范。○以泰山處士孫復為國子監  
直講。復。晉州平陽人。舉進士不第。退居  
泰山。著春秋尊王發微十二篇。國子監  
石介師事之。范仲淹。富弼。皆言復有經  
術。宜在朝廷。○以富弼為翰林學士。固  
辭不拜。弼始受命使契丹。聞一女卒。再

富弼辭爵

往聞一男生皆不顧得家書未嘗發輒  
焚之曰徒亂人意故能成兩國之好帝  
復申樞密直學士之命弼辭又除翰林  
弼懇辭曰增歲幣非臣本意特以方討  
元昊未暇與爭故忍死爾敢受賞乎

癸未

三年

契丹重熙十二年

春正月

元昊更名

曩霄上書請和○三月以呂夷簡為司

空平章軍國重事夷簡感風眩詔疾稍  
愈數日一至中書夷簡力辭帝手詔曰

前鬚賜  
夷簡

古謂鬚可療疾。今剪以賜卿。○以晏殊  
平章事。兼樞密使。賈昌朝參知政事。○  
以蔡襄。歐陽脩。王素。知諫院。余靖為右  
正言。襄喜言路開而慮正人難久立也。  
乃上疏曰。任諫非難。聽諫為難。聽諫非  
難。用諫為難。脩等三人。忠誠剛正。必能  
盡言。臣恐邪人不利正諫。必造為禦之  
之說。其禦之不過有三。曰。好名。好進。彰  
君過耳。願陛下察之。脩每入對。帝必延

歐陽脩  
進朋黨  
論

問執政。咨所宜行。既多所張弛。小人翕  
翕不便。脩數為帝分別言之。初。范仲淹  
之貶。饒州。脩及尹洙。余靖。皆以直。仲淹  
見逐。群邪因目之曰黨人。於是朋黨之  
論起。及仲淹日受眷注。脩乃進朋黨論。  
以為君子以同道為朋。小人以同利為  
朋。皆自然之勢也。然小人無朋。惟君子  
則有之。蓋小人所好者利祿。所貪者財  
貨。當其同利之時。暫相黨引。以為朋者。

周韓琦  
仲淹為

偽也。及其見利而爭先。或利盡而反相  
賊害。雖兄弟不能相保。君子則不然。所  
守者道義。所行者忠信。所惜者名節。以  
之脩身。則同道而相益。以之事國。則同  
心而共濟。終始如一。故為君者。但當退  
小人之偽朋。用君子之真朋。則天下治  
矣。脩論事切直。人視之如仇。帝獨獎其  
敢言。顧侍臣曰。如歐陽脩者。何處得來  
○以韓琦。范仲淹為樞密副使。○以杜

樞使

罷竦用  
杜衍

衍為樞密使。先是以樞密使召竦於蔡州。諫官歐陽脩等交章論竦在陝西畏懦苟且。元昊嘗榜塞下得竦首者予錢三千。為賊所輕如此。卒於敗喪師徒略無成效。會竦已至國門。言者益急。御史中丞王拱辰對帝極言。帝未省。遽起拱辰前引裾畢其說。前後言者凡十八疏。帝乃罷竦而用衍代之。蔡襄言於帝曰。陛下罷竦而用琦仲淹。士大夫賀於朝。

庶民歌于路。且退一邪。進一賢。豈能關  
天下輕重哉。蓋一邪退。則其類退。一賢  
進。則其類進。衆邪並退。衆賢並進。海內  
有不泰乎。雖然。臣竊憂之。天下之勢。譬  
猶病者。陛下既得良醫矣。信任不疑。非  
徒愈病。而又壽民。醫雖良。術不得盡用。  
則病且日深。雖有和扁。難責效矣。國子  
監直講石介。篤學尚志。樂善嫉惡。以章  
得象。晏殊。賈昌朝。韓琦。范仲淹。杜衍。同

慶曆聖德詩

時登用而歐陽脩蔡襄余靖王素並為  
 諫官夏竦既罷因大喜曰此盛德事也  
 歌頌吾職其可已乎作慶曆聖德詩有  
 曰衆賢之進如茅斯拔大姦之去如距  
 斯脫大姦指竦也詩且出其師孫復聞  
 之曰介禍始于此矣○司徒呂夷簡致  
 仕○五月丁卯朔日有食之○詔諸路  
 轉運兼按察使歐陽脩言天下官吏既  
 多朝廷無由遍知賢愚善惡乞立按察

立按察以轉運兼

祭中禱  
雨

之法於內外朝官丞郎中選強幹廉明者為之。使至州縣。遍見官吏。其公廉無狀。皆以朱書於名之下。其中材之人。以墨書之。歲具官吏能否以聞。詔從之。○  
戊子雨。輔臣稱賀。帝曰。天久不雨。將害民田。朕每焚香上禱于天。昨夕寢殿中。忽聞微雷遽起。冠帶露立殿下。須臾雨至。衣皆沾濕。移刻雨霽。再拜以謝。方敢升階。自此尚冀稿苗可救也。比欲下詔。

罪已。撤樂減膳。又恐近於崇飾虛名。不若夙夜精心密禱為佳爾。○八月。詔諫官日赴內朝。○以范仲淹參知政事。富弼為樞密副使。帝用仲淹。以歐陽脩之言也。仲淹曰。執政可由諫官而得乎。固辭不拜。帝不許。乃受命。帝方銳意太平。數問當世事。又為之開天章閣。引輔臣入對。給以筆札。俾條陳其所欲為者。仲淹皇恐退。而上十事。曰。明黜陟。抑僥倖。

用仲淹  
富為樞

精貢舉。擇長官。均公田。厚農桑。脩武備。推恩信。重命令。減徭役。天子方信向仲淹。悉用之。弼見帝言曰。契丹既結好。議者便謂無事。萬一敗盟。臣死且有罪。願陛下思其輕侮之耻。坐薪嘗膽。不忘脩政。以誥納帝前。帝使宰相諭之曰。此朝廷特用。非以使遼故也。弼乃受命。時帝以平治責成輔相。命弼主北事。仲淹主西事。弼上當世之務十餘條。及安邊十

續通志卷四

四十一

琦陳七  
事又陳  
八事

三策大略以進賢退不肖止僥倖去宿  
 弊欲漸易監司之不才者使澄汰所部  
 吏於是小人始不悅之矣○詔韓琦宣  
 撫陝西時二府合班奏事琦必盡言雖  
 事屬中書亦指其失同列或不悅帝獨  
 識之曰韓琦性直琦條所宜先行者七  
 事曰清政本念邊計擢材賢備河北固  
 河東收民心營洛邑繼又陳救弊八事  
 曰選將帥明按察豐財利遏僥倖進能

吏退不才。謹入官。去冗食。帝嘉納之。琦

又陳四策。以為今當以和好為權宜。戰

守為實務。請繕甲厲兵。營脩洛都。密定

討伐之計。○冬十月。以張昱之。王素沈

邈為都轉運按察使。○**契丹**北院樞密

使蕭孝穆卒。按孝穆位高益畏。與人交

嘗語人曰。樞府選賢而用。何事不濟。自

蕭孝卓以吏才進位宰相。其後轉効。不

知大體。孝穆歎曰。不能移風易俗。偷安

**甲申**

四年

契丹重熙十三年

春三月

詔天下州

詔天下  
立學

帝謁孔  
子

縣立學○更定科舉法○契丹党項諸  
部叛附于夏○**契丹**尋討之○夏人救之○  
夏四月作太學○五月帝謁孔子故事止  
肅揖帝特再拜賜直講孫復五品服○初  
海陵人胡瑗為湖州教授訓人有法科  
條纖悉備具以身率先雖盛暑必公服  
坐堂上嚴師弟子之禮時方尚詞賦湖  
學獨立經義治事齋以敦實學及興太  
學詔下湖州取其法著為令式云○曩

夏竦傾  
弼

霄來降○六月詔范仲淹宣撫陝西河東初仲淹以忤呂夷簡放逐者數年帝以其士望所屬拔起而大用之倚以為治中外想望其功業仲淹亦以天下為己任與富弼同心輔政裁削倖濫考覆官吏日夜謀慮興致太平然更張無漸規摹闊大論者籍籍由是謗毀稍行先是石介奏記於弼責以行伊周之事夏竦怨介斥已又欲因是傾弼等乃使女

奴陰習介書。久之習成。遂改伊周曰伊  
 霍。而偽作介為弼撰廢立詔草。飛語上  
 聞。弼與仲淹懼。適聞契丹伐夏。遂請行  
 邊。仲淹既去朝。攻者益急。帝心不能無  
 疑矣。○八月。詔富弼宣撫河北。從弼請  
 也。弼及仲淹既去。石介不自安。亦請外  
 得濮州通判。○九月。晏殊罷。以杜衍平  
 章事。兼樞密使。賈昌朝為樞密使。陳執  
 中參知政事。衍在樞密。每有內降。率寢

杜衍入  
 相封還  
 內降

呂夷簡  
卒

格不行。積詔旨至十數。輒納帝前。帝嘗語歐陽脩曰。外人知杜衍封還內降耶。凡有求干。朕每以衍不可告之而止者。多於所封還也。○司徒呂夷簡卒。帝見群臣曰。安得憂國忘身如夷簡者。

**四明陳氏** 摠曰

自章獻太后臨朝。十

餘年間。天下晏然。夷簡之力為多。及西夏用師。契丹求地。夷簡選將命使二邊以寧。當國既久。頗務收恩避怨。

以固權利。數為言者所詆。帝眷倚不  
衰。反斥言者。故能於天下之事。屈伸  
舒卷。動有操術。為世名相。獨加幣契  
丹。聚兵西北。為後日之患。又以和憾  
成。郭后之廢。逐孔道輔。范仲淹。于外。  
為可罪也。

**契丹** 主伐夏。冬十月。曩霄誘而敗之。**契**

**丹** 及夏。平。契丹主遣太弟重元將兵出

南路。樞密使蕭惠將兵出北  
路。自帥騎兵十萬繼進。長驅入夏境。蕭  
惠與元昊戰于賀蘭山北。敗之。元昊見

契丹兵盛。乃上表謝罪。退師十里。請救  
叛黨以獻。契丹命許其自新。蕭惠以為  
大軍既集。宜加討伐。契丹主尤豫未決。  
元昊以未得成言。又退師三十里以俟。  
凡三退。將百里。每退必赭其地。契丹馬  
無所食。因許之和。元昊遷延以老之。度  
其馬饑士疲。因縱兵急攻。蕭惠營敗之。  
乘勝攻南壁。契丹主大敗。從數騎走還。

○十二月。冊曩霄為夏國王。

**乙酉** 五年 契丹重熙十四年 春正月。范仲淹富

仲淹富  
弼杜衍  
罷

弼罷。仲淹內剛外和。政尚忠厚。汎愛樂  
善。及其去朝也。咸惜其當朝不久。莫能  
成先憂後樂之志。性至孝。好施予。置義

莊里中以贍宗族。海內之人無不敬慕其德焉。○杜衍罷。衍好薦引賢士。群小咸怨。御史中丞王拱辰之黨尤嫉之。衍壻蘇舜欽。易簡子也。慷慨有大志。能文章。論議稍侵權貴。衆不能容。時監進奏院。循前例祠神。以伎樂娛賓。集賢校理王益柔。曙之子也。於席上戲作傲歌。拱辰聞之。欲因是以傾衍。乃諷御史魚周詢舉劾其事。疏上。拱辰等請誅益柔。章

得象晏殊不可。賈昌朝陰主之。韓琦言于帝曰。益柔狂語。何足深計。今西陲用兵。大事何限。一不為陛下論列。而同狀攻一王益柔。此其意可見矣。帝悟。乃止。黜益柔。監復州酒稅。而除舜欽名。同席被斥者十餘人。皆知名之士。拱辰喜曰。吾一舉網盡矣。舜卿既得罪。衍遂不安。求去。出知兗州。而拱辰遂見譏於公議。○以賈昌朝平章事。兼樞密使。王貽永

韓琦罷

為樞密使。宋庠參知政事。

庠本名郊。後更名庠。

吳

育。龐籍為樞密副使。○三月，韓琦罷。琦

以杜衍、范仲淹、富弼罷去。乃上疏曰：陸

下用杜衍為相，方及一百二十日而罷。

范仲淹以夏人初附，自乞保邊，固亦有

名。至於富弼之出，則所損甚大。富弼大

節難奪。天與忠義，昨契丹領大兵壓境，

命弼使虜，以正辯屈強虜。卒復和議，忘

身立事。古人所難。近者李良臣自虜來

歐陽脩  
申理杜  
衍等

歸。盛言北方自虜主而下。皆稱重之。陸  
下兩命弼為樞密副使。皆弗有其功。辭  
避不受。逮抑令赴上。則不顧毀譽。動思  
振緝紀綱。其志欲為陛下立萬世之業。  
爾。近日臣僚多務攻擊忠良。取快私忿。  
非是國家之福。惟陛下久而察之。疏入  
不報。琦懇求補外。罷知揚州。河東轉運  
使歐陽脩上疏曰。杜衍。范仲淹。韓琦。富  
弼。天下皆知其有可用之賢。而不聞其

有可罷之罪。正士在朝。群邪所忌。謀臣不用。敵國之福也。群邪益忌。脩尋左遷知滁州。○罷科舉新法。○夏四月丁亥朔。日有食之。○章得象免。以陳執中平章事。兼樞密使。吳育參知政事。丁度為樞密副使。○冬十月。罷轉運兼按察使。○罷宰相兼樞密使。

**丙戌**六年契丹重熙十五年春三月辛巳朔日

有食之。○秋八月。以吳育為樞密副使。

丁度參知政事○冬十月不雨○高麗

王欽卒子徽嗣

**丁亥**七年契丹重熙十六年春二月募人中糧

大旱避正殿

于秦州○大旱帝避正殿詔言闕失三

月賈昌朝吳育免乙未以夏竦平章事

丁酉改授樞密使○以文彥博參知政

事高若訥為樞密副使○壬寅帝禱于

西太乙宮是日雨夏四月甲辰帝御正

殿○秋八月分河北為四路○冬十一

貝州卒  
王則反

月。貝州宣毅卒王則據城中以叛。以明  
鎬為河北體量安撫使。初。涿人王則以  
歲饑流至貝州。自賣為人牧羊。後隸宣  
毅軍為小校。貝冀俗尚妖幻。相與習為  
五龍滴淚等經。及諸圖讖書。言釋迦佛  
衰謝。彌勒佛當持世。則之與母訣也。嘗  
刺福字於背以為記。妖人因妄傳則字  
隱起。爭信事之。遂作亂。囚知州張得一。  
殺通判董元亨等。僭號東平王。國曰安

陽改年號曰德勝。旗幟號令皆以佛為稱。

**戊子**

八年

契丹重熙十七年

春正月以文彥博

王則伏誅

為河北宣撫使。明鎬副之。閏月執王則歸于京師誅之。鎬以貝州城峻不可攻。乃為距闌將成為賊所焚。鎬乃即南城為地道。日攻其北以牽制之。及彥博至。貝鎬穿道適通。遂選壯士夜半由地道入城。眾登城賊縱火牛。官軍以槍中牛

文彥博  
入相

鼻。牛還攻賊。賊大潰。則據城中。凡六十  
六日而敗。改貝州為恩州。○以文彥博  
平章事。○衛士作亂。伏誅。初。帝將以閏  
月復張燈。皇后諫止之。越三日。親從官  
顏秀等四人。夜入禁中。越屋叩寢殿。皇  
后聞變遽起。帝欲出。后閉閣擁持。趣召  
都知王守忠。使引衛卒入。賊傷宮嬪殿  
下。聲徹帝所。宦者以乳媪歐小女子。給  
奏。后叱之曰。賊在近殺人。敢妄言邪。陰

遣人挈水踵後。賊果舉火焚簾。水隨滅之。所遣宦侍。后皆親剪其髮。曰。以是徵賞。故爭盡死力。守忠兵至。賊就擒滅。

二月夏國主曩霄卒。子諒祚立。元昊卒。

年四十六。諒祚生十月矣。養于國舅訛

龐。訛龐遂與其三大將分治國事。遣使

告哀于宋。契丹謚元昊曰武烈皇帝。廟

號景宗。夏四月。冊諒祚為夏國主。

罷丁度為觀文殿學士。與夏諫不合也。以明鎬

無雲而震

為參知政事

此因文彥博推鎬貝州之功。且薦其才可大用故也。

五月。無雲而震。夏竦免。殿中侍御史何  
郊論竦姦邪。會京師同日無雲而震者  
五。乃出知河南。竦在樞府。深怨石介之  
譏已。欲報之。而介已卒。會孔直溫反。搜  
其家得介書。竦因言介詐死。北走契丹  
耳。請發棺驗之。詔下兗州。杜衍知兗。與  
其僚以闔族保介必死。提刑呂居簡亦  
言無故發棺。何以示後。始獲免。然猶錮

介子孫。而貶孫復監慶州稅。○以宋庠  
為樞密使。龐籍參知政事。○六月參知

政事明鎬卒

**已丑**

皇祐元年

契丹重熙十八年。夏  
英宗諒祚延嗣寧國元

年春正月甲午朔日有食之。○夏五月。

富弼青  
州救荒

加知青州富弼禮部侍郎固辭不受。初

河北京東大水。民流就食青州。富弼勸  
所部民出粟。益以官廩。得公私廬舍十  
餘萬區。散處其人。以便薪水。官吏自前

資待缺寄居者皆賦以祿。使即民所聚。選老弱病瘠者廩之。仍書其勞。約他日為奏。請受賞。率五日。趣遣人持酒肉飯。饌立九反慰籍。出於至誠。人人為盡力。山林川澤之利。可資以生者。聽民擅取。及麥大熟。民各以遠近受糧而歸。凡活五十餘萬人。募為兵者萬計。前此救災者。皆聚民城郭中。為粥食之。蒸為疾疫。及相蹈藉。或待哺數日。不得粥而仆。名為

救之。而實殺之。自弼立法簡便周盡。天

下傳以為式。帝聞遣使褒勞。加禮部侍

郎。弼曰。此臣職也。敢受賞乎。○六月。以

賈昌朝為觀文殿大學士。兼判尚書都

省。自是宰相求間。即命是職以寵之。○八月。陳執中罷

○以宋庠平章事。高若訥參知政事。龐

籍為樞密使。梁適為副使。○九月。廣源

州蠻儂智高寇邕州。儂氏自唐初即雄於西原。與黃氏。周

氏據州十有八。而儂氏尤強。世為廣源首領。唐末交趾強盛。廣源服屬之。及儂

叛 儂智高

全福為交人所殺其妻改適商人。生智高。冒姓儂氏。既壯與其母據儂猶州。建

國曰。夏人襲契丹。蕭惠敗之。冬十月契

丹耶律敵魯古獲夏主嫡母于賀蘭以歸

庚寅二年契丹重熙十九年。夏天祐垂聖元年。春二月夏

人侵契丹。三月契丹蕭蒲奴伐夏。

詔即大慶殿為明堂。秋九月大享天地。

赦自太祖以來未嘗親享明堂。惟命有

司攝事而已。至是始親享焉。折繼閔

卒。以其弟繼祖領府州軍事。冬十月

親享明堂

**夏**主諒祚請平于契丹。契丹不許。諒祚母沒

藏氏遣使乞依舊稱藩契丹主不許而安置所獲元昊妻屬于蘇州 ○十

一月詔外戚毋得任二府 ○閏月置詳

定大樂局于秘閣召太子中舍致仕胡

瑗同定雅樂時黃鍾律短而所奏樂音

高又其鍾弁而直聲鬱不發著作佐郎

劉義叟曰此謂害金帝將感心腹之疾

乎已而果然 ○契丹策進士于金鑾殿

**辛卯**三年契丹重熙二十年春三月宋庠免 ○

却瑞草

以劉沆參知政事。○夏六月。詔州郡自今勿得獻瑞物。知無為軍茹孝標獻芝草三百五十本。帝曰。朕以豐年為瑞。賢臣為寶。至於草木蟲魚之異。焉足尚哉。免孝標罪。戒天下勿獻。○以張堯佐為宣徽等使。知河陽府。貶殿中侍御史裏行。唐介為英州別駕。文彥博免。時張貴妃寵冠後廷。堯佐其伯父也。以故驟除宣徽節度。景靈郡牧。四使。唐介與知諫

唐介論  
堯佐

院包拯。吳奎等。力爭之。且請中丞王舉正。留百官班。廷論奪其二使。無何。堯佐復除宣徽使。知河陽。介謂同列曰。是欲與宣徽而假河陽為名耳。而同列依違。介獨抗言之。帝謂曰。除擬本出中書。時文彥博為首相。介遂劾彥博。知益州。日造間金竒錦。緣閣侍通宮掖。以得執政。按長編云。織燈籠錦。以獻貴妃。欲得執政。今顯用堯佐。益自固結。請罷之。而相富弼。語甚切直。帝怒。

唐介劾  
彥博

卻其奏不視。且曰：將遠竄。介徐讀疏畢，曰：臣忠憤所激，鼎鑊不避，何辭於謫？帝急召執政示之，曰：介論事是其職，至以彥博由妃嬪致宰相，此何言也。進用冢司，豈應得預，而乃薦弼。時彥博在帝前，介責之曰：彥博宜自省，即有之不可隱。彥博拜謝不已。帝怒益甚。梁適斥介使下殿，介猶爭愈切。帝聲色俱厲，衆恐禍出不測。脩起居註蔡襄趨進言曰：介誠

朝士賦  
詩送介  
出貶

狂直。然納諫容言。人主之美德。伏望全  
貸。遂貶介春州別駕。王舉正言其太重。  
帝亦悟。明日取其疏入。改英州。而罷彥  
博知許州。奎亦以介黨出知密州。帝慮  
介或道死。有殺直臣名。命中使護之。朝  
中士大夫以詩送者甚衆。獨待制李師  
中二篇。頗為傳誦。詩云。孤忠自許衆不  
與。獨立敢言人所難。去國一身輕似葉。  
高名千古重於山。並遊英俊顏何厚。未

續金鑑卷四

五十八

死姦諛骨已寒。天為吾皇扶社稷。肯教

夫子不生還。介至神宗朝。果大用。由是

介直聲動天下。士大夫稱真御史。必曰

唐子方。介之南行。挈家渡淮。至中流大

驚。介兀坐舟中。吟詩云。聖宋非狂楚。清

淮異汨羅。平生仗忠信。今日任風波。夕

濟南岸。眾乃欣焉。公憇旅亭。復繼其韻

云。舟楫顛危甚。魚龍出沒多。斜陽幸無

事。沽酒聽漁歌。蓋情動於冬十月。以龐籍平章事。高若訥為樞密使。梁適參知政事。王堯臣為樞密副使。○十一月。以

房庶為校書郎

益州鄉貢進士房庶。嘗著樂書補亡二卷。其說

以為嘗得古本漢志云。度起於黃鍾之長。以子穀秬黍中者。一黍之起。積一千

二百黍之廣。度之九十。分。黃鍾之長。一為一分。今文脫之。起積一千二百黍。八

字。故誤以一黍為一分。其法非是。當以秬黍中者一千二百實管中。黍盡得九

十分為黃鍾之長九寸。加一為尺。則律定矣。直秘閣范鎮是之。時胡瑗等製樂

已定。故授官而遣之。

范仲淹卒

**壬辰**

契丹重熙二十一年

夏五月。資政殿學士范

仲淹卒。謚文正

**呂氏中曰**

先儒論本朝人物。以仲淹

為第一。觀其所學。以忠孝為本。其所志則先天下之憂而憂。後天下之樂而樂。其有所為。必盡其方。曰為之自我者。當如是。其成與否。有不在我者。雖聖賢不能必。此諸葛武侯。不計成敗。利鈍之誠心也。觀其論上壽之儀。雖晏殊。有不能曉。寬仲約之誅。雖富弼。有所不能知。而十事之規模。雖張方平。余靖。之諸賢。有所不能識。仁宗

晚年欲大用之而范公已即世矣。豈  
天未欲平治天下歟。

儂智高陷邕。橫貴藤梧康端龔潯等州。  
遂圍廣州。詔余靖楊旼等討之。○戶部  
員外郎范鎮上書議樂。自謂得古法。司  
馬光不以為是。數與論難。竟不能決。○  
以狄青為樞密副使。青初以善騎射為  
騎御。散直。元昊反。以青為三班差使。時  
士卒畏怯。獨青每臨敵。被髮帶銅面具。

范鎮議  
樂

出入賊中。無不被靡。以是數立奇功。尹  
洙與談兵。善之。薦於韓琦。范仲淹曰。此  
良將材也。二人待之甚厚。仲淹授以左  
氏春秋。且曰。將不知古今。匹夫勇耳。青  
由是折節讀書。悉通秦漢以來將帥兵  
法。至是自知。延州召拜副使。臺諫等諫  
其不可。帝不聽。○秋七月。契丹主追帝  
其遠祖。復加謚太祖。以下帝后。○儂智  
高自廣州寇昭州。陷之。○九月。以孫沔

狄青宣  
撫廣南

為湖南江西安撫使。余靖提舉廣南兵  
甲。經制賊盜事。○以狄青為荆湖宣撫  
使。提舉廣南經制盜賊事。智高寇擾日  
甚。楊畋等久無功。帝以為憂。智高移書  
行營。求邕桂節度使。帝將受其降。梁適  
曰。若爾。則嶺表非朝廷有矣。會狄青上  
表請行。遂為宣撫使。明日青入對。自言  
曰。臣起行伍。非戰伐無以報國。願得蕃  
落騎數百。益以禁兵。羈賊首致闕下。帝

陳曙失律狄青誅之

壯其言。乃詔嶺南諸軍。皆受青節度。以  
 龐籍言也。○以范祥為陝西轉運使。制  
 置解鹽事。罷榷法。復通商。○冬十月。以  
 孫復。胡瑗為國子監直講。○十二月。陳  
 曙帥師討智高。敗績于金城驛。狄青執  
 曙誅之。初。狄青至廣南。合孫沔。余靖之  
 兵。進次賓州。廣西鈴轄陳曙。乘青未至。  
 輒以步兵八千犯賊。潰于崑崙關。指使  
 索用等皆遁。青曰。令之不齊。兵所以敗。

晨會諸將堂上。揖曙起。并召用等三十  
二人。按以敗亡狀。驅出軍門。斬之。沔靖  
相顧愕然。諸將股栗。莫敢仰視。

**癸巳**

五年

契丹重熙二十二年  
夏福聖承道元年

春正月。

會靈觀災。○狄青大敗儂智高于邕州。

狄青敗  
智高廣  
南平

智高走大理。廣南平。青既誅陳曙。因按  
兵止營。令軍士休十日。賊覘者還。以為  
軍未即進。明日青整軍馳。一晝夜絕崑  
崙關。出歸仁鋪。賊既失險。悉出逆戰。右

軍孫節搏賊死山下。賊氣銳甚。孫沔等  
懼失色。賈逵將左軍。私念兵法先據高  
者勝。乃引軍疾趨山。立始定而賊至。逵  
擁衆而下。揮劔大呼。斷賊陣為二。張玉  
將前鋒。突出陣前。而青執白旗。麾蕃落  
騎兵出賊後。大敗之。追奔五十里。斬首  
萬計。智高夜遁入大理。遲明入城。按賊  
屍有衣金龍衣者。衆謂智高已死。欲以  
上聞。青曰。安知其非詐耶。寧失智高不

狄青為  
樞使

敢誣朝廷以貪功也○夏五月高若訥

罷○以狄青為樞密使孫沔為副使○

秋七月龐籍罷○以陳執中梁適平章

事○九月夏及契丹平○冬十月丙申

朔日有食之○十二月以曹陳許滑鄭

州為輔郡

**甲午**至和元年契丹重熙二十三年春正月貴妃

張氏薨追謚為温成皇后○二月孫沔

罷沔數言追冊温成於禮不可遂求罷

知杭州○以田况為樞密副使○三月。  
王貽永罷○以王德用為樞密使。德用  
時以太子太師致仕。會乾元節。上壽。立  
班廷中。**契丹**使語譯者曰。黑王相公乃  
復起耶。帝聞之。遂拜樞使○夏四月甲  
午朔。日有食之○秋七月。以程戡參知  
政事○梁適免○八月。以劉沆平章事  
○冬十月。葬温成皇后

**乙未**二年

契丹重熙二十三年。八月春。  
以後。道宗洪基清寧元年。

史鐵面御

三月改封孔子後文宣公世愿為衍聖

公太常博士祖無擇言祖謚不可加後

嗣乞更定美號乃改封焉仍令世襲及

知仙源縣如故○夏四月契丹來致其

先世繪像以求帝容契丹主嘗謂近臣曰朕與宋主約為

兄弟歡好歲久欲見其繪像可諭其使至是遣使持其三世畫像來致主命以

容求御○以趙抃為殿中侍御史抃為御

史彈劾不避權倖聲稱凜然京師目為

鐵面御史其言務欲朝廷別白君子小

人以為小人。雖有過，當力遏而絕之。君

子不幸，註掛音誤。當保全愛惜，以成就其

德。時吳充、鞠真、卿、刁、約、馬遵、呂景初、吳

中復、呂溱、蔡襄、吳奎、韓絳，皆以直言居

外，抃言近日正人端士紛紛引去者，以

正色立朝，不能諂事權要，傷之者衆耳。

由是悉得召還。○六月，陳執中免。知諫

院范鎮論執中無學術，非宰相器。會旱，

遂免。○以文彥博、富弼、平章事。初，彥博

執中罷相，彥博、富弼入相。

與弼同召至郊。詔百官迎之。范鎮言曰。隆之以虛禮。不若推之以至誠。及宣制。士大夫相慶于朝。帝遣小黃門覘知之。語翰林學士歐陽脩曰。古之命相。或得諸夢卜。今朕用二相。人情如此。豈不賢於夢卜哉。脩頓首賀。會契丹使者耶律防至。王德用與射于玉津園。防曰。天子以公典樞密。而用富公為相。將相皆得人矣。○秋八月。契丹主宗真卒。子洪基

立復以重元為皇太叔

契丹主疾召長子燕趙國王洪

基諭以治國之要因大赦縱五坊鷹鷂焚釣魚之具翌日而殂于行宮年四十

謚曰神聖孝章皇帝廟號興宗

**史臣贊曰**興宗早年居位不能制其

母致有殺逆專擅之事既又不善厥

謀遂有慶州貽悔之舉然能感富弼

之言申南北之好許諒祚之盟息忿

報之師於是政治內脩條教宣明使

無禽荒之失則何讓於聖宗焉

**契丹**主既立。尊重光為皇太叔。免拜不

名洪基。字涅鄰。小字查刺。沉毅有君人之容。○九月遣使弔

祭于**契丹**帝聞契丹主卒發哀成服于

內東門幕次。遂遣使弔賀○十一月南

平王李德政卒。子日尊嗣○十二月**契**

**丹**初置五經博士助教○詔李仲昌脩

六塔河河入中國。行太行西曲折山間。出大岨東。走赴海。更平地二千

餘里。禹跡既湮。河并為一。特以隄防為

之限。夏秋霖潦。百川衆流。所會不免決

溢。而大名鄆澶滑孟濮齊淄滄棣廣德

傳懷衛鄭等及開封往往受其害。殿中

丞李仲昌請自澶州商胡河穿  
六塔入橫隴故道以披其勢

**丙申**嘉祐元年契丹清寧二年春正月帝有疾

彦博帥  
宰相宿  
衛禁

文彦博帥宰相宿衛禁中二月帝疾瘳  
乃罷○閏三月以王堯臣參知政事程

戡為樞密副使○知諫院范鎮請建太

子詔罷鎮諫職初帝暴疾三皇子皆早

夭雖育宗實官中而未有建儲之意文

彦博因請于帝許之會疾瘳而止至是

鎮奮然曰天下事尚有大於此者乎即

范鎮請  
建太子

上疏曰。置諫官者為宗廟社稷計也。諫官而不以宗廟社稷計事陛下。是愛死嗜利之人。臣不為也。方陛下不豫海內皇皇。莫知所為。陛下獨以祖宗後裔為念。是為宗社之慮至深且明也。昔太祖舍其子而立太宗。天下之大公也。真宗養宗子于宮中。天下之大慮也。願以太祖之心。行真宗故事。接近屬之尤賢者。優其禮秩。置之左右。與圖天下。以繫億

兆人心。章累上。不報。執政諭之曰。柰何效希名干進之人。鎮貽書曰。比天象見變。當有急兵。鎮義當死職。不可死亂兵之下。此乃鎮擇死之時。尚何顧希名干進之嫌哉。因復上疏。言之愈切。聞者股栗。凡見帝面陳者三。因泣下。帝亦泣。謂曰。朕知卿忠。卿言是也。當更俟三二年。鎮退。復上疏。以請。前後章凡十九。上待命百餘日。鬚髮皆白。朝廷知不可奪。乃

介彥博薦

改鎮糾察在京刑獄。同脩起居注。時司馬光、歐陽脩、包拯、呂景初、趙抃、吳奎等皆上疏力請。於是宰輔文彥博、富弼、王堯臣相繼勸帝早定大計。皆不見聽。○以唐介知諫院、御史。吳中復請召還唐介。文彥博因言于帝曰：「介頃為御史，言臣事多中臣病，其間雖有風聞之誤，然當時責之太深，請如中復奏。」乃召知諫院。時稱彥博長者。○夏四月，河決六塔。

流李仲昌于英州。罷回河役。○大雨。京師屋壞。江河溢。○六月。雨。社稷壇壞。詔求直言。於是翰林學士歐陽脩等皆以帝未立儲副為言。而知制誥劉敞言之尤力。○秋。八月。庚戌朔。日有食之。○狄青罷。會京師大水。青避于相國寺。行止殿上。人情頗疑。知制誥劉敞出知揚州。陛辭。言曰。陛下幸愛青。不如出之以全其終。帝然之。乃以使相判陳州。青為人

祖 狄青不  
妄認遠

慎密寡言。其計事必審中機會而後發。行師先正部伍。明賞罰。與士卒同饑寒勞苦。雖敵猝犯之。無一士敢後先者。故數有功。未嘗專賞。敵下故人皆樂為之。死。青在樞府日。有狄梁公之後。持梁國畫像及告身十餘道。詣青獻之。以為青之遠祖。青謝之曰。一時遭際。安敢自附。梁公厚贈其人而遣之。踰年卒。

劉氏深源曰

魏之郊也。祀舜。唐之郊

也。祀堯皆謂其遠祖。欲以誇耀天下。而不免為有識者嗤誚。甚者郭崇韜既貴而拜子儀之墓。何無耻之甚。孔子曰。非其鬼而祭之。諂也。其冒他人之姓者。曾犬彘之不若也。

以韓琦為樞密使。○九月。命宰臣攝事于太廟。大赦。○冬。十月。王德用罷。德用將家子。習知軍中情偽。善以恩撫下。故多得士心。雖屢臨邊境。未嘗親矢石。督

黑王相  
公

攻戰而名聞四夷。閭閻婦女小兒亦呼  
為黑王相。公云○以賈昌朝為樞密使  
○十二月。劉沆免○以曾公亮參知政  
事○以包拯權知開封府。拯性峭直剛  
毅。惡吏苛刻。為政務敦厚。雖嫉惡如仇。  
而未嘗不推以忠恕。與人不苟合。不偽  
辭色以悅人。平生無私書。及知開封。貴  
戚宦官為之斂手。吏民不敢欺。童穉婦  
女亦知其名。呼曰包待制。京師為之語。

笑比黃  
河清

曰。關節不到。有閻羅包老。以其笑比黃

河清焉

**丁酉**

二年

契丹清寧三年。夏。禪都元年。

春二月。太子

太師致仕杜衍卒。自作遺疏。其略曰。無

以少安而忽邊防。無以既富而輕財用。

宜早建儲嗣以安人心。○三月。親試舉

人。是年翰林學士歐陽脩權知貢舉。先

是進士益相習為奇僻。鈎章棘句。寢失

渾淳。脩深疾之。遂痛加裁抑。時所推譽。

裁抑時  
文復古

體

皆不在選。置薄之士。候脩晨朝。群聚詆

斥之。然文體自是亦少變。○九月契丹

使蕭扈求御容。○胡宿奉帝繪像如契

丹。○十二月。詔間歲舉士。置明經科。○

契丹。太后蕭氏卒。名耨斤。謚欽哀。

戊戌。三年。契丹清寧四年。夏六月。文彥博。賈昌

朝罷。彥博以老求罷。以使相判河南。封

潞國公。○以韓琦平章事。宋庠。田况為

樞密使。張昇為副使。時帝春秋高。且以

相彥博罷

相韓琦入

疾不能御殿。而儲副未建。范鎮雖解言職請之益切。而帝依違不決。琦進曰。皇嗣者。天下安危之所係。自昔禍亂之起。皆由策不早定。陛下何不擇宗室之賢者。以為宗廟社稷計。帝曰。後宮將有就館者。姑待之。已而又生女。琦懷漢書孔光傳以進。曰。成帝無嗣。立弟之子。彼中材之主。猶能如是。况陛下乎。帝不荅。昇為中丞。指切時政。無所避畏。帝謂之曰。

張昇言  
帝孤立

卿孤立乃能如是。昇對曰：臣仰託聖主，致位侍從，是為不孤。今陛下之臣持祿養望者多，而赤心謀國者少，竊以為陛下乃孤立耳。帝為感動。○秋八月乙亥朔，日有食之。○王堯臣卒。

**巳亥**

四年

契丹清寧五年

春正月

丙申

朔

日有

食之。用牲于社。帝避殿不受朝。○二月，罷榷茶。○交趾寇欽州。○夏四月，太袷于太廟。○封周世宗後柴詠為崇義公。

給田十頃以奉周祀○以范鎮知制誥鎮入謝首言建儲事且曰陛下許臣今三年矣帝猶未許○田况罷○冬十一月汝南郡王允讓卒追封濮王謚安懿允讓天資渾厚內寬外莊喜愠不見于色嘗知大宗正寺宗子有好學者勉進之以善若不率教則勸戒之至不變始制其罪故皆畏服及卒以其子宗實育于宮中故卹典有加○以河南處士邵

召處士  
邵雍不  
至

雍為將作監主簿。後再命為潁州團練推官。皆辭疾不起。

**庚子**

五年

契丹清寧六年

夏四月

程戡免

戡與

庠不合。殿中侍御史呂誨論戡結貴倖

以致位。乃免。○以孫抃為樞密副使。○

五月。以王安石為三司度支判官。安石

撫州臨川人。善屬文。曾鞏携其所撰以

示歐陽脩。脩為之延譽。擢進士上第。授

淮南判官。安石議論高奇。能以辯博濟

王安石  
上萬言  
書

其說果於自用。慨然有矯世變俗之志。於是上萬言書。其大要以為今天下之財力日以困窮。風俗日以衰壞。患在不知法度。不法先王之政故也。法先王之政者。法其意而已。法其意則吾所改易更革。不至乎傾駭天下之耳目。囂天下之口。而固已合先王之政矣。因天下之力。以生天下之財。取天下之財。以供天下之費。自古治世。未嘗以財不足為患。

也。患在治財無其道耳。先是館閣之命  
屢下。安石輒辭不起。朝廷每欲畀以美  
官。惟患其不就也。及赴是職。聞者莫不  
喜悅焉。

**東萊呂氏曰**安石變法之蘊亦略見  
於此書。特其學不用於嘉祐而乃盡  
用於熙寧。世道升降之機。識者又於  
此而三致意焉。

六月。曾公亮上新唐書。○秋。七月。交趾

呂誨劾  
宋庠

寇邊。詔發諸州兵討之。○冬十月。宋庠

免。庠再登用。浮沉固寵。殿中侍御史呂

誨論庠陰求援助。徇私紊法。罷判鄭州

○以曾公亮為樞密使。張昇。孫抃。參知

政事。歐陽脩。陳旭。趙槩。為樞密副使。○

以薛向為陝西轉運使。兼解鹽事。

**辛丑**六年契丹清寧七年春三月。富弼以母喪

去位。詔起復之。弼固辭。故事。執政遭喪

皆起復。帝虛位。五起之。弼固請終制。且

弼請終  
喪

曰起復金革之變禮不可施於平世帝  
許之○夏四月陳旭罷知諫院唐介趙  
抃御史范師道呂誨上疏論旭陰結宦  
者故得大用旭亦請罷乃知定州而介  
等皆外補○以包拯為樞密副使○六  
月壬子朔日有食之司天言當食六分  
之半食四分而雨群臣欲援例稱賀同  
判尚書禮部司馬光言日之所照周徧  
華夷雲之所蔽至為近狹雖京師不見

光言日  
食不當  
賀

四方必有見者。天意若曰：人君為陰邪所蔽，災慝甚明。天下皆知其憂危，而朝廷獨不知也。食不滿分者，乃曆官術數不精，當治其罪，亦非所以為賀也。帝從之。○以司馬光知諫院。光入對，首言臣昔通判并州，所言三章，願陛下果斷力行。帝沉思久之，曰：得非欲選宗室為繼嗣者乎？此忠臣之言，但人不敢及耳。光對曰：臣言此，自謂必死，不意陛下開納。

司馬光  
言仁明  
武

帝曰。此何害。古今皆有之者。復以三劄  
子上殿。其一論君德。曰。臣切惟人君大  
德有三。曰。仁。曰。明。曰。武。仁者。非嫗煦姑  
息之謂也。興教化。脩政治。養百姓。利萬  
物。此人君之仁也。明者。非煩苛伺察之  
謂也。知道誼。識安危。別賢愚。辯是非。此  
人君之明也。武者。非強亢暴戾之謂也。  
唯道所在。斷之不疑。姦不能惑。佞不能  
移。此人君之武也。故仁而不明。猶有良

田而不能耕也。明而不武。猶視苗之穢而不能耘也。武而不仁。猶知穫而不知種也。三者兼備則國治強。闕一則衰。闕二則危。三者無一焉則亡。臣切見陛下天性慈惠。謹微接下。子育元元。汎愛群生。雖古先聖王之仁。殆無以過。然踐祚垂四十年。而朝廷紀綱。猶有虧缺。閭里窮民。猶有怨歎。意者群臣不肖。不能宣揚聖化。將陛下之於三德。萬分一亦有

光論致  
治三事

所未盡歟。臣伏見陛下推心御物。端拱淵默。群臣各以其意有所敷奏。陛下不復詢訪利害。盡察得失。一皆可之。誠使陛下左右前後股肱耳目之臣。皆忠實正人。則如此至善矣。或有一姦邪在焉。則豈可不為之寒心哉。望陛下以天性之至仁。廓日月之融光。奮乾剛之威斷。善無微而不錄。惡無細而不誅。則唐虞三代之隆。何遠之有。其二論御臣。曰。致

治之道無他。在三而已。曰任官。曰信賞。曰必罰。國家御群臣之道。累日月以進秩。循資塗而授任。苟日月積久。則不問其人之賢愚而寘高位。資塗相值。則不問其人之能否而居重職。非特如是而已。國家采名不采實。誅文不誅意。夫以名行賞。則天下飾名以求功。以文行罰。則天下巧文以逃罪。陛下誠能博選在位之士。使有德行者掌教化。有文學者

光言棟  
軍

待顧問。有政術者為守長。有勇略者為將帥。有功則增秩加賞。而勿徙其官。無功則降黜廢棄。而更求能者。有罪則流竄刑誅。而勿加寬貸。如是而朝廷不尊。萬事不治。百姓不安。四夷不服。臣請伏面欺之誅。其三論棟軍言養兵之術。務精不務多。上以其一留中。其二送中書。其三送樞密院。戒棟軍官。又曰。赦書害多而利少。非國家之善政也。漢吳漢曰。

政 赦非善

進五規

臣死無所言。願陛下無赦而已。王符亦

曰。今日賊良民之甚者。莫大於數赦。蜀

人稱諸葛亮之賢。亦曰。軍旅屢興而赦

不妄下。然則古之明君賢臣。未嘗以赦

為美也。又進五規。一曰保業。其略曰。天

得之至艱。守之至艱。王者始受天命之

時。天下之人。皆我比肩也。相與角智力

而爭之。智竭不能抗。力屈不能支。然後

肯稽顙而為臣。當是之時。有智相偶者  
則為二。力相參者則為三。愈多則愈分。  
自非智力首出於世。則天下莫得而一  
也。斯不亦得之至艱乎。及夫羣雄已服。  
衆心已定也。人之性皆以為子孫萬世。

如秦山之不可搖也。於是驕情之情。生驕者玩兵。武窮秦極侈。神怒不恤。民怨不知也。斯不亦守之至艱乎。秦二曰。隋之季是也。斯不亦守之至艱乎。秦二曰。惜時。其略曰。易泰極則否。否極則泰。豐亨宜日中。孔子傳之曰。日中則昃。月盈則食。是以聖人當國家隆盛之時。則戒懼彌甚。故能保其令聞。永久無疆。三曰。遠謀。其略曰。詩云。迨天之未陰雨。徹彼桑土者。求賢於隱微也。四曰。謹微。綢繆牖戶者。脩救其政治也。其略曰。宴安怠惰。肇荒淫之根。竒巧瑣玩。發奢泰之端。甘言悲辭。啓僥倖之塗。附耳屏語。開讒賊之門。不惜名器。導僭逼之源。假借威福。授陵奪之柄。凡此六者。其初甚微。而日滋月益。遂至深固。比知而革之。則用力百倍矣。五曰。

務實

其略曰。夫安國家。利百姓。仁之實也。保國緒。傳子孫。孝之實也。辯貴

賤。立網紀。禮之實也。和上下。親遠邇。樂之實也。決是非。明好惡。政之實也。詰姦

邪。禁暴亂。刑之實也。察言行。試政事。求賢之實也。量材能。課功狀。審官之實也。

詢安危。訪治亂。納諫之實也。選勇果。習戰鬪。治兵之實也。實之不存。雖文之盛

美。無益也。帝深納之。○以王安石知制誥。○

秋八月。以曾公亮平章事。張昇為樞密

使。胡宿為副使。○閏八月。策賢良方正

直言極諫之士于崇政殿。○王安石以

母喪去職。○以歐陽脩參知政事。○以

曾公亮  
入相

范鎮為翰林學士。○冬十月起復濮安懿王子宗實知宗正寺。固辭不拜。司馬光上疏曰。向者臣進豫建太子之說。意謂即行。今寂無所聞。此必有小人言陛下春秋鼎盛。何遽為此不祥之事。小人無遠慮。特欲倉卒之際。援立其所厚善者耳。定策國老。門生天子之禍。可勝言哉。帝大感動。曰。送中書。光見韓琦等曰。諸公不及今定議。異日禁中夜半出寸

司馬光  
呂誨請  
建儲嗣

紙以某人為嗣。則天下莫敢違。琦等拱手曰。敢不盡力。時知江州呂誨亦上疏言之。及琦入對。以光誨二疏進讀。未及有所啓。帝遽曰。朕有此意久矣。誰可者。琦惶恐對曰。此非臣輩所可議。當出自聖擇。帝曰。宮中嘗養二子。小者甚純。近不慧。大者可也。琦請其名。帝曰。宗實。琦等遂力贊之。議乃定。宗實天性篤孝。好讀書。不為燕嬉褻慢。服御儉素。如儒者。

時居濮王喪。乃起復。固辭。琦曰。事若行。不可中止。陛下斷自不疑。乞內中批出。帝曰。此豈可使婦人知之。只中書行足矣。命下。宗實乞終喪。凡十八章而後許之。○十二月復豐州。

**壬寅**七年契丹清寧八年春三月。孫抃罷。○以

趙槩參知政事。吳奎為樞密副使。○夏五月。樞密副使包拯卒。○秋八月。以皇從兄濮安懿王子宗實為皇子。賜名曙。

立宗實為皇子

封鉅鹿郡公宗實既終喪。帝復起之。猶力辭。韓琦言於帝曰。宗正之命。初出外。人皆知必為皇子。不若遂正其名。帝從之。中書召翰林學士王珪作詔。珪曰。此大事。非面受旨不可。明日珪請對。進曰。海內望此舉久矣。果出自聖意乎。帝曰。朕意決矣。珪再拜賀。始退。而草詔。歐陽脩聞之。歎曰。王珪真學士也。詔下。宗實復稱疾辭。司馬光言於帝曰。皇子辭不

貲之富。至於旬月。其賢於人遠矣。然父  
召無諾。君命召不俟駕。願以臣子大義  
責之。宜必入。帝從之。宗實遂受命。將入  
宮。戒其舍人曰。謹守吾舍。上有適嗣。吾  
歸矣。因肩輿赴召。良賤不滿三十人。行  
李蕭然。唯書數厨而已。中外相賀。既為  
皇子。慎靜恭默。無所猷為。而天下陰知  
其有聖德云。○冬十月。詔賜諸路常平  
糴本錢。○折繼祖卒。以其兄子克柔權

領府州事○召福州處士陳烈為國子

監直講。不至

帝崩皇  
子即位

**癸卯**

八年

契丹清寧九年。  
夏拱化元年。

春三月。帝崩

于福寧殿。夏四月。皇子曙即位。尊皇后  
為皇太后。赦

**呂氏中曰**

國家之有天下。強不如秦。

富不如隋。形勢不如漢。土地不如唐。

所恃者人心而已。太祖肇之。太宗真

宗培之。至我仁祖四十二年。深仁厚

澤刑以不殺為威。財以不蓄為富。兵以不用為功。人才以不作聰明為賢。以寬厚待民。以恩禮待士夫。而以至誠待夷狄。此蘇文忠公謂社稷長遠終必賴之者。誠確論也。

**新安胡氏曰**

仁宗可謂至仁之主。大

辟疑必。讞

魚列反。議罪也。

上所活歲以千計。

嘗云。朕未嘗詈人以死。况敢濫刑。語近臣。昨因不寐而饑。思食燒羊。曰何

不取索。曰恐遂為例。可不忍一夕之  
饑而啓無窮之殺。或獻蛤蜊二十八  
枚。枚千錢。曰一下筋費二十八千。吾  
不堪也。北使言高麗職貢踈。今欲加  
兵。仁宗謂曰。此只王子罪。不干百姓  
事。今加兵。王子未必能誅。且屠戮百  
姓。卒寢兵。京師疫。大醫進方。內出犀  
角二。一通天犀也。或請留供服。御帝  
曰。朕豈貴異物而賤百姓哉。蘇轍制

策言過直或請黜之。曰。求真言而以直棄之天下謂何。又好學崇儒扶植斯道上承一祖二宗之心。下開濂洛道學之懿。尤為盛美。經筵謂侍臣曰。朕盛暑未嘗少倦。但恐卿等勞耳。詔州縣皆立學。定太學生員。以孫復石介。胡瑗為國子直講。王堯臣及第。賜中庸篇。呂臻及第。賜大學篇於戴記。中表章此二篇。以風厲儒臣。是已開

四書之端矣。噫。若帝者。存心制治。粹乎無以議矣。白璧微瑕。其郭后之事乎。君子愛人以德。寧不於焉三歎。

帝有疾  
太后聽  
政

遺制下日。雖深山窮谷。莫不奔走悲號而不能止。○帝有疾。詔請皇太后權同處分軍國事。后乃御內東門小殿垂簾。宰臣覆奏事。后性慈儉。頗涉經史。及聽政。多援經義以決事。中外章奏。日數十上。一一能紀綱要。檢捉曹氏。及左右臣

僕毫分不以假借。官省肅然。○立高氏

為皇后

后侍中瓊之曾孫。祖太尉繼勳。父北作坊副使遵甫。母曹氏。太

后妹也。故少育宮中。與帝同年生。又俱撫鞠于太后。仁宗嘗曰。必以為配。既長。

遂成婚。五月。以富弼為樞密使。○秋。七

月。帝疾瘳。初。帝疾甚。舉措或改常度。遇

宦者尤少恩。左右多不悅。乃共為讒間。

兩宮遂成嫌隙。內外洵懼。知諫院呂誨

上書。兩宮猶未釋然。一日。韓琦。歐陽脩

奏事簾前。太后嗚咽流涕。具道所以。琦

兩宮有隙

曰。此病固爾。病已。必不然。子疾母可不  
容之乎。后意不解。脩進曰。太后事先帝  
數十年。仁德著于天下。昔温成之寵太  
后。處之裕如。今母子之間。反不能容耶。  
后意稍和。脩復曰。先帝在位。久德澤在  
人。故一日晏駕。天下奉戴嗣君。無敢異  
同者。今太后一婦人。臣等五六書生耳。  
非先帝遺意。天下誰肯聽從。后默然。久  
之。琦進曰。臣等在外。聖躬若失。調護太

韓琦危  
言動太

后不得辭其責。后驚曰：「是何言！我心更切也。」同列聞者為縮頸流汗。後數日，琦獨見帝。帝曰：「太后待我少恩。」琦對曰：「自古聖帝明王，不為少矣。獨稱舜為大孝，豈其餘盡不孝哉？父母慈而子孝，此常事不足道。惟父母不慈而子不失孝，乃為可稱。但恐陛下事之未至耳。父母豈有不慈者哉？」帝大感悟。帝自六月不御殿，七月壬子，初御紫宸殿，見百官。琦因

續鑑卷四  
八十六  
請乘輿禱雨。具素服以出。人情大安。

**龜鑑曰**

母子之間人所難言。自魏公

一倡。而歐陽脩繼之。呂誨。王疇繼之。

司馬光又數數繼之。既以保佑之語

勉太后。又以承順之語勉天子。卒也

慈聖以慈稱。英宗以孝聞。魏公之功

蓋亦偉矣。他日門人親客燕坐。從容

語及定策事。公正色曰。此仁宗神德

聖斷。為天下計。皇太后母道內助之

力。朝廷定議久矣。臣子何預焉。勞而不伐。公之襟量。蓋可想見。久旱喜雨。詩云。須臾慰滿。三農望却。歛神功。寂若無公之口。不言功。於此見之矣。

秋八月庚辰。王珪議上。大行皇帝謚曰

神文聖武明孝。廟號仁宗。○**契丹**太叔

重元反。耶律仁先敗之。重元自殺。○冬


十月。葬永昭陵。○十二月。命侍臣講讀


經史于邇英閣。翰林侍讀學士劉敞進


始御經筵進講


讀史記。至堯授舜以天下。拱而言曰。舜  
至側微。堯禪之以位。天地享之。百姓戴  
之。非有他道。惟孝友之德。光於上下耳。  
帝悚然改容。太后聞之亦大喜。兩宮之  
疑漸釋。

資治通鑑節要續編卷之四









三  
菜